

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

§. II. Quæ de Jure adhibeatur cautela, ne fiant falsa Rescripta.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

III. Si falsa sit Bulla, sive Sigillum, id est si vera collata, ab eam nonnihil absimilis videtur. C. 5. eod. Tit.

IV. Si Falsum sit Filum, id est aliud, quam in Cancellariâ Românâ consuetum. *ibid.*

V. Si Filum aliquius Bullæ, alteri adjunctum sit.

VI. Si immutata apparet certis in locis scriptura, *ibid.*

VII. Si Charta de novo scripta videatur. *ibid.*

VIII. Si Charta adeò spissa sit, ut Charta abrasæ alia tenuissima agglutinata apparet. *ibid.*

IX. Si alia sint scriptura forma, modus dictaminis, sive Stilus, Chartæ qualitas, quam quæ in Cancellariâ Românâ adhiberi solent: Petita ex Bulla, Filio, & Stilo falsitatis Notæ indicantur etiam in fine C. 6. ejusd. Tit.

§. II.

Quæ à Jure adhibeatur Cautela, ne fiant Falsa Rescripta.

REGULA.

Præter latam in Falsarios poenam, de quâ posse, non alia in Jure adhibetur Cautela, ne Falsa fiant Rescripta, quam quæ sequitur.

Prohibetur, ne Rescripta recipiantur ab alio, quam à Papâ, vel ab alio, quam ad id Deputato, idque sub pena Excommunicationis in Laicum, & Suspensionis in Clericum C. 4. *De Crim. Fals.*

§. III.

Quis circà Falsum Rescriptum Reus censendus est.

REGULA.

Non alii à Jure habentur ut Rei circà Rescripta Falsa, quam isti.

I. Falsitatis vitium per se Exercens, vel per alium, illiusque Fautor & Defensor. C. 7. *De Crim. Fals.*

II. Rescripto Falso Utens. *ibid.* Idem habet C. 8. & 11. sumpta in contrario sensu.

III. Illud Impetrans. *ibid.*

IV. Ultra 20. dies illud Detinens. C. 4. eod. Tit. in fine.

Nota obiter ex postremo loco citato inferri posse, Priorem loqui tantum de Utente & Impetrante, qui cognoscit falsitatem: nam, que dicit de Detinente, ad Cognoscere item falsitatis vitium restringit, & non est potior ratio de isto, quam de aliis.

§. IV.

Quomodo à Jure Canonico puniatur circà Rescriptum Falsum Reus.

REGULA.

Non aliis plecit Jus Canonicum poenis circà Rescriptum Falsum Reos, quam istis.

I. Falsitatis vitium per se vel per alium Exercensem necnon & illius Fautores Anathemate innodatos declarat. C. 7. *De Crim. Fals.*

II. Clericos Falsarios deprehensos omni Officio, Beneficio Ecclesiastico privat, sive per se, sive per alium hoc Crimen commiserint; si vero per se, degradari jubet, & Potestati Seculari tradi. *ibid.*

III. Utentem, Impetrantem quoque, ipso facto ab Officio & Beneficio spoliari jubet, si sit Clericus; si Laicus, Excommunicationi tamdiu subjicit, donec competenter satisficerit. *ibid.*

IV. Ultra 20. dies Detinentem Excommunicatione Papæ specialiter reservata illaqueat. C. 4. ejusd. Tituli.

V. Præcipit, ut Testes, qui gratiâ, odio, vel timore super Falsitate Rescripti nolunt deponere, ad id per

Censuram Ecclesiasticam compellantur. C. 9. *de Testib. cogendis.*

SECTIO III.

DE RESCRIPTI SUSPECTIS.

Circà Rescripta Falsitatis suspecta Quæri potest.

1. Quæ talia à Jure habeantur. 2. Quid circà hujusmodi Rescripta sit faciendum.

§. I.

Quæ Rescripta Falsitatis suspecta à Jure censentur,

REGULA.

Non alia in Jure dicuntur suspecta Falsitatis Rescripta, quam ista.

I. Si sint contraria aliqui Concilio Generali, & de eo mentionem non faciant: Si tamen illud Concilium aliud sit, quam Tridentinum; Pius enim V. expresse Brevi 1570. declaravit, Rescripta Concilio Tridentino contraria valere, etiam illi non derogent expresse. C. 3. *de Capell. Monach.*

Infurit ex C. 17. *de Rescript.* in quo INNOCENTIUS III. dicit, quod sciens nihil apponi facit in Rescriptis suis, quod de Jure debeat reprehendi: hoc idem articulo hanc assert rationem C. 57. *De Elect.* Non est credendum, Romanum Pontificem, qui *Jura tuetur, uno verbo velle subvertere, quod alias multis vigiliis est inventum & excogitatum.*

II. Si quæ Falsitatis Nota ex supra notatis in illis ita appareat, ut merito dubitetur, an vera sint. C. 15. *De Appell.*

III. Si Causæ cognitionem prohibeant. *Cap. 2. De Rescr. Vid. GONZALEM in illud n. 18.* Hæc prohibitio injusta est, quia nemo inauditus damnandus est.

IV. Si manifestum in Constructione peccatum contineant. C. 11. *De Rescript.* C. 5. *De Crim. Fals.*

V. Si sit rasura in loco suspecto. C. 3. *de fide Instrum.*

VI. Si Gratia concessa, sit insueta exemploque, careat C. 5. 6. *De Confirm. Utili &c.*

§. II.

Quid faciendum circà Rescripta Falsitatis Suspecta.

REGULA.

Circà hujusmodi Rescripta nil aliud facere præcipit Canon, quam istud.

I. Si Rescripta sint Juri contraria, non sunt executa da; sed Superior super ea consulendus. C. 2. *de Crim. Fals.* C. 8. *de fide Instrum.*

II. Si quid habent Juri consonum, id executioni mandandum est. C. 8. mox citat.

SECTIO IV.

DE RESCRIPTI NULLIS.

REGULA.

Rescripta non in aliis Casibus declarantur nulla à Canone, quam in istis.

I. Si Falsi suggestione, vel Veri suppressione obtineantur; quod generaliter verum est, si id fiat ex malitia, & agatur de Gratiâ; secùs, si fiat ex simplicitate, vel ignorantia, & agatur de Justitiâ; tunc enim valet quod id quod habet Juri Communis consonum. C. 8. *de Confit.* C. 6. *De Conc. Prab.*